



Bilten

hCa Tuzla

Mjesečni bilten – Juli 2009

- UVOD -

OMLADINSKI RESURSN CENTAR (ORC) TUZLA; OMLADINSKA MREŽA BOSNE I HERCEGOVINE

Omladinska mreža Bosne i Hercegovine je neformalni skup vanstranačkih organizacija, grupa i osoba koje zadovoljavaju potrebe mladih u entitetima, aktivno ih uključujući u izgradnju demokratskih vrijednosti i jačanje civilnog društva. (Misija hCa Omladinske mreže u Bosni i Hercegovini, ustanovljena na radionici strateškog planiranja u Kulašima, 11. - 17. Juli 1999.g) Danas mreža okuplja 109 članica i 40 pojedinca iz 57 mjesta u BiH (zadnji podatak iz jula 2009 nakon revizije).

Dragi prijatelji, Pred vama se nalazi **julsko** izdanje mjesečnog informativnog biltena Omladinskog Resursnog Centra (ORC) Tuzla i Omladinske mreže Bosne i Hercegovine.

Bilten izlazi na bosanskom-srpskom-hrvatskom i engleskom jeziku. U njemu se nalaze informacije o aktivnostima Omladinskog Resursnog Centra (ORC) Tuzla, te Omladinske Mreže Bosne i Hercegovine, informacije o mjesečnim aktivnostima omladinskih organizacija i grupa - članica ove mreže, njihovi planovi za naredni period, te ostale korisne informacije (donatori, pozivi na konferencije i seminare, školarine, stipendije...).

Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

Uživajte u čitanju!!

SADRŽAJ

Aktivnosti u Julu 2009	2
Planovi za August 2009	2
Aktivnosti dijela članica mreže	3
Nove članice	15
Informacije	16
Donatori, školarine, stipendije	18

AKTIVNOSTI U JULU 2008.

U toku mjeseca hCa/ORC Tuzla je radio na redovnim aktivnostima - obradi informacija interesantnih za omladinski aktivizam i distribucija istih prema omladinskim organizacijama i članovima mailing liste Omladinske Mreže Bosne i Hercegovine, kao i uređivanju i distribuciji Mjesečnog biltena Omladinske Mreže Bosne i Hercegovine i redovno ažuriranje Web stranice: www.omladina-bih.net.

U toku mjeseca i zvanično nam je odobren projekt "You(th) are hope for B&H!", a u okviru malog MATRA programa Ministarstva Vanjskih poslova Kraljevine Holandije. Ugovor je potpisan 10. 7. 2009. godine, a projekat će trajati četiri mjeseca. O svim informacijama vezanim za implementaciju projektnih aktivnosti bićete blagovremeno obaviješteni putem web stranice www.omladina-bih.net, mjesečnog biltena Omladinske Mreže BiH kao i mailing liste OM BiH.

Kao koordinator BiH mreže Anna Lindh fondacije, u toku mjeseca smo nekoliko puta slali obavještenja članicama OM BiH o načinu registracije nevladinih organizacija iz BiH u BiH mrežu Anna Lindh fondacije. Do zaključenja ovog broja biltena BiH mreži Anna Lindh fondacije priključilo se 20 nevladinih organizacija. Obzirom da je bilo određenih problema prilikom popunjavanja on-line aplikacije za pristup BiH mreži Anna Lindh fondacije, mi vam još jednom šaljemo pojednostavljene upute za apliciranje:

Idite na stranicu: www.euromedalex.org i na desnoj strani stranice vidjećete "padajući" baner: "Get involved". Na njemu odaberite i kliknite na: "Join a national network", nakon čega će vam se otvoriti stranica na čijem kraju ima link koji trebate kliknuti: "Apply here to become a member". Kada kliknete ovaj link otvoriće vam se prijavni obrazac na kojem u prozoru "National Network you are applying for:" u padajućem linku izaberete "Bosnia and Herzegovina", a ostatak aplikacije popunite odgovarajući na nekoliko postavljenih pitanja. Da bi aplikacija bila prihvaćane potrebno je popuniti polja označena zvjezdicom (*). Na kraju OBAVEZNO KLIKNETE "SUBMIT".

Nakon toga ćemo dobiti vaše podatke i prijaviti vas u ovu mrežu!

Molimo vas da nas kontaktirate u slučaju da trebate dodatna pojašnjenja.

U sklopu regionalnog projekta "Editor for EU", a čiji je glavni nosilac Češka organizacija "Point Civic Association - support and social integration of youth", biće organizovan program razmjene mladih iz zemalja Hrvatska, Slovačka, Češka, Njemačka i BiH. Program razmjene mladih će se održati u Baškom Polju (26. 8 – 4. 9. 2009. godine), a planirano je učešće 5 predstavnika mladih iz BiH. U cilju što bolje organizacije program razmjene mladih biće održan pripremni sastanak partnera u projektu (Baško Polje 14. - 16. 8. 2009. godine), gdje će se usaglasiti program rada na međunarodnoj razmjeni mladih kao i sva ostala organizaciona pitanja. U ime hCa/ORC Tuzla na pripremni sastanak će ići: Emil Balavac (OK "Pod istim Suncem" Jablanica) i Mirza Čatibušić ("Fondacija Tuzlanske Zajednice" Tuzla).

PLANIRANE AKTIVNOSTI ZA AVGUST 2009

Nastavak rada hCa/ORC Tuzla na redovnoj distribuciji informacija omladinskim organizacijama u Bosni i Hercegovini, kao i uređivanje i distribucija mjesečnog biltena Omladinske Mreže Bosne i Hercegovine;

Implementacija projekta "You(th) are hope for BiH!"

Koordiniranje mreže u okviru Anna Lindh fondacije: pomoć organizacijama prilikom registriranja u ovu mrežu, rad na pripremi prvog sastanka članica ove mreže u BiH, prikupljanje i distribucija svih informacija pristiglih

od članica Anna Lindh mreže i ostalih zemalja, svakodnevna koordinacija i komunikacija sa glavnim uredom Anna Lind fondacije itd.

Rad na implementaciji partnerskog projekta „Editor for EU“ (pripremni sastanak i održavanje programa razmjene mladih)

AKTIVNOSTI ČLANICA MREŽE

KULT Sarajevo

Adresa: Banjska Ulica 2, 71210 Sarajevo

Tel: 033 637 290

E-mail: sarajevo@kultbih.org

Web: www.mladi.org



Udruženje KULT, sa svoja četiri ureda, svojim aktivnostima i djelovanjem u javnom životu nastoji kreirati demokratsku sredinu gdje će vlasti biti partneri nevladinim organizacijama i zajedničkim naporima učiniti život građana/ki kvalitetnijim i boljim.

Centralni ured Sarajevo (CUS)

Banjska ul. 2

71210 Ilidža

sarajevo@kultbih.org

www.mladi.org

Tel./faks: 033 637 290



Škola prijateljstva

Na radionicama Škole prijateljstva i dalje se družimo, ali i učimo. Obrađivali smo različite sadržaje.

Ozon ima rupe! Pitku vodu zagađuju fabrike! Ponestaje nam kisika! Svi smo bili zabrinuti...

Obećali smo da ćemo bolje čuvati, barem svoju užu okolinu, te da ćemo uskoro imati jednu malu akciju čišćenja oko SPAJALICE! Razgovarali smo i o morskoj vodi, te našem lijepom Jadranu, na koji i BiH ima izlaza. Učenici/ce su se prisjetili i svojih ljetovanja s roditeljima, ali su ih i najavili. Bajka o ribaru i ribici, autora A. S. Puškina, također je bila jedna od tema naših radionica.

Ovu divnu bajku smo analizirali/e jer je uistinu poučna, a cilj nam je bio dobiti različita razmišljanja najmlađih, koja su zaista bila zanimljiva. Samo neki od odgovora učenika/ca su sljedeći: „Bogatstvo ne treba promijeniti čovjeka“, kazala je Alma; „U životu je dovoljno ono što imaš“, kazala je Lamija, a jedna posebno zanimljiva misao je bila: „Pouka ne mijenja čovjeka“, kazao je Eniz, pa se upitamo je li to zaista tako. Izvođenjem zanimljive predstave namijenjene djeci, a pod nazivom: „Djecu ne donose rode“, polaznici/e su s oduševljenjem prihvatili uloge djevojčice



Marine, dječaka Alana, prodavača, kupusa itd. Nakon toga su raspravljali/e o ulogama, te o tome da li djecu zaista donose roditelji ili ih na svijet donose majke. Bitno za napomenuti je i to, da se nova nasmijana lica učenika/ca stalno smjenjuju u Školi prijateljstva, dakle, metodom „od uha do uha“, stalno nam pristižu nova djeca, što nas izuzetno raduje.

Obrazovanje mladih uključenih u društvene procese

Timski rad i liderstvo naziv je pete radionice obuke omladinskih lidera/ki. Radionica je održana 1-2.7.2009.g., trenerica i trener bili su Danijela Dugandžić-Živanović i Jasmin Bešić. Mladi su imali priliku upoznati se s podjelama uloga i fazama timskog rada i liderstva. Lideri/ke su popunili Belbinov test gdje su mogli prepoznati svoju ulogu u timu. U timskom radu otkrivamo svoje potencijale i korištenje talenata svog tima, pristupa u radu i novim poslovnim/projektnim mogućnostima te na taj način razvijamo svoje radne i stručne sposobnosti.



Dan Mladih opštine Istočno novo Sarajevo

18. jula.2009 g. na području opštine Istočno Novo Sarajevo održana je manifestacija pod nazivom "Dan mladih Istočno Sarajevo" uz podršku Udruženja KULT. Prvi dio programa je namijenjen za djecu predškolskog i školskog uzrasta i djecu s posebnim potrebama. Nakon dječijeg programa nastupila su kulturno-umjetničko društva s područja grada Istočnog Sarajeva. Večernji dio programa bio je predviđen za nastupe mladih neafirmiranih bendova s cijelog područja grada Istočnog Sarajeva.



Radionica uspostave mreže Volonterskog dnevnika™



U prostorijama Obrazovno-raznodnog centra za mlade SPAJALICA 14. jula o. g. održana je radionica o uspostavi mreže Volonterskog dnevnika™, na kojoj su učestvovali predstavnici/e iz 15 udruženja: Ekološko udruženje "Jezero" iz Živinica, Udruga "Humanitarna organizacija Altruist" iz Mostara, SOS-Kinderdorf International - Predstavništvo u BiH iz Sarajeva, Istraživačko dokumentacioni centar iz Sarajeva, Udruženje studenata sa posebnim potrebama i volontera iz Tuzle, Udruženje "SARA-SREBRENICA", PRONI - Centar za omladinski razvoj Brčko, Udruženje KULT - Ured Gradačac, Fondacija lokalne demokratije iz Sarajeva, Udruženje za prevenciju ovisnosti UG NARKO-NE iz Sarajeva, Udruženje građana "DON" iz Prijedora, Tolerancijom protiv različitosti – ToPeer iz Doboja, Udruženje "Prijatelji Srebrenice", IPAK- mladost gradi budućnost iz Tuzle i Centar za omladinski rad i neformalno obrazovanje - CORNO iz Sarajeva.

Na radionici je predstavljen Volonterski dnevnik™ te način razvijanja mreže koja će se uspostaviti nakon što budu izabrana udruženja iz pet regija.

Mala škola novinarstva

S petom radionicom pred kraj šestog mjeseca, završen je teoretski dio obuke Male škole novinarstva, a već početkom sedmog mjeseca krenuo je drugi – praktični dio ove obuke. Šesta radionica održana je u prostorijama ASK radija. Za ovu radionicu polaznici/e obuke su imali priliku pripremiti i realizirati radio emisiju. Emisija je bila posvećena liku i djelu Michaela Jacksona. Svi učesnici/e imali su priliku da prezentiraju uživo u program dio teksta kojeg su sami pripremili uz pomoć trenera i urednika ASK radija. Tom prilikom su na praktičan način saznali mnogo više o radu u jednoj radiostanici, te su imali priliku razgovarati i postavljati pitanja uredniku koji im je prije toga održao kratko predavanje o radiju kao jednom od medija. Tema sedme radionice bila je printani mediji. Tom prilikom otišli smo u posjetu redakciji Dnevnog avaza u novoizgrađenom tornju Avaz Twist Tower. Polaznici/e imali su priliku upoznati se s radom u štampanim medijima, praktično „doživjeti redakciju“ te se upoznati s uposlenicima koji su bili prisutni i postavljati im pitanja u vezi s novinarstvom i poslom/zaduženjima koje oni obavljaju, vidjeti kako se pripremaju i obrađuju informacije, kako „nastaju“ novine i sl.

Osma, pretposljednja radionica obuke Mala škola novinarstva, predviđena je za posjetu TV-stanici. Dogovorena je posjeta FTV-u. Nakon posjete TV-stanici planirana je radionica za pisanje već dogovorenih novinskih članaka za Bilten Općine Ilidža, web-stranicu KULTA, web-stranicu Prijatelja Srebrenice i omladinski časopis „Karika“ – ONA u BiH. Po završetku svih aktivnosti, svi polaznici/e dobit će certifikat o završenoj obuci.



Projekt Puna usta mladih i javne rasprave o Nacrtu zakona o mladima FBiH

Višemjesečni rad i zalaganje Udruženja KULT urodili su plodom. Nacrt zakona o mladima FBiH usvojen je na 23. sjednici Predstavničkog doma PFBiH, održanoj 30. juna i 1. jula o. g. Usvajanje zakona o mladima podržao je i premijer Vlade FBiH. Podsjećanja radi, Udruženje KULT već pola godine, u saradnji s Komisijom za pitanja mladih Predstavničkog doma Parlamenta FBiH, a uz podršku Centara civilnih inicijativa (CCI), radi na lobiranju i promociji nacrtu zakona o mladima FBiH.

Juli je prošao u znaku javnih rasprava. Nakon usvajanja nacrtu zakona u Parlamentu FBiH Udruženje KULT, u saradnji s Komisijom za pitanja mladih Predstavničkog doma PFBiH, organiziralo je javne rasprave u svim glavnim gradovima kantona Federacije.



Prva javna rasprava održana je u Zenici 10. jula s početkom u 12 sati. Javnoj raspravi prethodio je prijem kod premijera Zeničko-dobojskog kantona gosp. Miralema Galijaševića. Prijemu je prisustvovala i kantonalna ministrica za obrazovanje, nauku, kulturu i sport, gđa Zdenka Merdžan. I premijer i ministrica dali su bezrezervnu podršku usvajanju zakonske regulative za mlade FBiH. Potom su slijedile javne rasprave u Tuzli, Orašju i Livnu, sve 15. jula, Mostaru i Širokom Brijegu 17. jula, Bihaću i Goraždu 22. jula te Travniku 23. jula o. g. Slijedi još posljednja u nizu rasprava, javna rasprava u Sarajevu. Mnogobrojni učesnici/e i zabilježene sugestije dokaz su ostvarivanju svrhe javne rasprave. Svi prikupljeni prijedlozi za izmjene i dopune nacrtu zapisani su u izvještaje s rasprava i bit će uzeti u obzir prilikom izrade prijedloga zakona, finalne verzija zakonskog rješenja za mlade FBiH.

Nacrt zakona o mladima u Brčko-Distriktu BiH pred ulaskom je u parlamentarnu proceduru usvajanja. Predstoji posljednji sastanak KULTA i Radne grupe Vlade BD-a za izradu prednacrtu zakona, kako bi se dao krajnji oblik nacrtu koji će ići pred Skupštinu Brčko-Distrikta BiH.

KULT Gradačac

Adresa: Ul. Reufa Huseinagića bb

76250 Gradačac

Tel: +387(0)35- 818 472

Web: www.kult-gradacac.org



U organizaciji Udruženja KULT Gradačac održana je šesta po redu manifestacija DAN MLADIH prema sljedećem programu:

1. **03.06.2009**- dječija igraonica /radionica,
2. **12.06.2009**- kulturno-zabavni program,
3. **21.06.2009** - turnir u odbojci na pijesku,
4. **28.06.2009** - malonogometni turnir na pijesku.

Ovogodišnja manifestacija *Dan mladih općine Gradačac 2009.* je počela sa dječijom radionicom/igraonicom u Sali gradačačkog kina sa početkom u 10 sati. Na radionici učestvovali su učenici iz osnovnih škola sa područja općine Gradačac gdje njih oko 200 ispred i unutar sale zajedno sa volonterima Udruženja KULT Gradačac održali radionicu/igraonicu. Na radionici učenici osnovnih škola su mogli da pokažu svu svoju kreativnost crtajući na hamer papirima. Ti radovi su kasnije izloženi u sali tokom kulturno zabavne manifestacije. Također mladi su mogli uživati u još jednom novitetu koji im se jako svidio a to je oslikavanje lica.

Kulturno zabavna manifestacija kao centralni događaj Dana Mladih općine Gradačac 2009. održana je u sali gradačačkog kina u petak 12.06.2009 sa početkom u 19.00 sati. Prije početka kulturno zabavnog programa delegacija omladine, predvođena Udruženjem KULT Gradačac, položila cvijeće na Centralno spomen obilježje a potom se uputila i položila bijele ruže na spomen ploču poginulih srednjoškolaca ispred osnovne škole Ivan Goran Kovačić.

Veče mladih je otpočela plesna grupa učenica osnovne škole "Dr.Safvet-beg Bašagić" sa svojim poznatim plesom uz indijsku muziku. Po prvi put večeras su se gradačačkoj omladini predstavili članovi muzičke grupe "Veliki odmor" - učenici gradačačke gimnazije. Poslije njih je nastupila i plesna grupa djevojaka iz Tarevaca te gosti iz Živinica, odnosno rep grupa "ŽPS" koja je inače poznata po rep pjesmi o gradačačkoj Zvijezdi koju čujemo na stadionu pred početak utakmice. Zadnji su nastupili članovi gradačačke rep grupe "035" koji su odrepali nekoliko pjesama te svojim primjerom poslali poruku ovom gradu da i ovdje ima života za mlade samo ga treba znati pronaći.

S pravom se može reći da je i ova manifestacija jako uspješno izvedena, te u narednom periodu možemo očekivati još veću pažnju kako mladih općine Gradačac tako i ostalih građana općine Gradačac. U programu je direktno učestvovalo oko 150 učesnika a broj posjetilaca je procijenjen na 250.

Turnir u odbojci na pijesku održan je u nedjelju **21.06.2009.** godine također na jezeru Hazna gdje je bilo **6 ekipa**, odnosno **30 učesnika** i oko **200 gledalaca**. Osim ekipa iz Gradačca tu su bile i ekipe iz Srebrenika i Modriče. Prvo mjesto osvojila je ekipa ULJARI iz Modriče, druga ekipa je bila NIŠTA ISPOD 100 Gradačac i treći OUT SIDER iz Srebrenika.

Malonogometni turnir održan je u nedjelju **28.06.2009.** godine na jezeru Hazna. Učestvovalo je **11 ekipa**, odnosno **60 učesnika** i oko **500 gledalaca**. Na malonogometnom turniru od 11 ekipa iz Gradačca pobijedila je ekipa **U turi** koja je u finalu savladala **Bekije**. Trećeplasirana ekipa su **Mahmuti**. Za najboljeg igrača malonogometnog turnira na pijesku 2009. izabran je **Lipovac Esmir**. Pobjedničkim ekipama uručene su nagrade od 100, 75 i 50 KM kao i zahvalnice i pehari.

- **Udruženje KULT Gradačac** zajedno sa omladinskom organizacijom FILIA Gradačac su pokrenule inicijativu s kojom žele da iniciraju potpisivanje Memoranduma o partnerstvu između Općine Gradačac i omladinskih organizacija Općine Gradačac.

Omladinske organizacije, na području Općine Gradačac, žele da predlože i iniciraju potpisivanje Memoranduma o partnerstvu sa vlastima Općine Gradačac da bi se zajednički radilo na povećanja stepena učešća mladih u procesu donošenja i provedbe odluka i kako bi se na taj način osiguralo da mladi ljudi budu priznati kao budući stvaraoci našeg društva.

- Održani sastanci predstavnika Udruženja KULT Gradačac i predstavnika Općine Gradačac kako bi se nastavile započete aktivnosti u realizaciji određenih projekata iz dokumenta *Strategija za mlade općine Gradačac*.

- Udruženje KULT Gradačac, Općina Gradačac i JZU Dom zdravlja Gradačac su zajedno aplicirali na projekat „ Podizanje svijesti o zdravim stilovima života i suzbijanje rizičnog ponašanja“ koje partnerski realiziraju njemačko društvo za tehničku saradnju (GTZ), Ministarstvo zdravlja i socijalne zaštite RS i Federalno ministarstvo zdravstva u periodu 2009-2011.
- **Ljetna zabavno edukativna škola OSMJEH 2009.**

Udruženje KULT Gradačac, inspirisano uspjehom dosadašnjih zabavnih škola je i ove godine ponovo organizovalo ljetnu zabavno edukativnu školu OSMIJEH 2009.

I ovog ljeta učesnici su imali priliku tokom škole pohađati sve radionice tj. nisu bili ograničeni samo na jednu radionicu.

Polazeći od činjenice da djeca iz ruralnih sredina često nisu u mogućnosti da dođu u gradske škole, mi smo odlučili da održimo ljetnu školu i u ruralnim područjima. Cilj nam je bio da kroz opuštenu atmosferu organizujemo slobodno vrijeme učesnika uz spontano i neopterećeno proširivanje znanja.

Ljetna zabavna škola se odvijala u toku mjeseca juna u sljedećim sredinama:

- u OŠ "Dr. Safvet beg Bašagić " u Gradačcu,
- u OŠ " Hasan Kikić" Vida I,
- u OŠ "Hamdija Kreševljaković" Kamberi,
- u OŠ " Musa Ćazim Ćatić " Zelinja Donja.

Ljetna škola je bila namijenjena djeci uzrasta od 6 do 15 godina a održavala se svaki dan od 09 do 12 sati.

Planirane su i realizovane 3 radionice u jednoj zajedničkoj. **Kreativna radionica, Radionica sporta i društvenih igara i Radionica engleskog jezika**

I ovaj put smo uspjeli da pružimo djeci mogućnost da se iskažu u različitim oblicima rada, te mogućnost da se međusobno upoznaju a samim tim ojačaju svoje samopouzdanje i da kvalitetno iskoriste i ispune svoje slobodno vrijeme.

Asocijacija Srednješkolaca u BiH

Adresa: Čobanija 9/3, 71000 Sarajevo

Tel/fax: 033 205 850, 063 223 148

E-mail: asubih@yahoo.com



Asocijacija srednjoškolaca u Bosni i Hercegovini je nevladina, nepolitička i neprofitna organizacija za sva Vijeća/Savjete učenika srednjih škola u Bosni i Hercegovini, koja postoji prvenstveno radi njihovog umrežavanja te poboljšanja standarda srednjoškolaca.

Kao drugi dio projekta „Edukacija – Aktivacija“, 11. - 15.07.2009. na Vlašiću je održan Napredni seminar ASuBiH-a za Vijeća/Savjete učenika srednjih škola u BiH uz prisustvo 21 srednjoškolaca iz cijele BiH. Seminar je obuhvatio radionice na teme liderstvo, vještine javnog izlaganja, lobiranje i fundraising.

II ASuBiH Kamp za Vijeća/Savjete učenika će biti održan 11.-18.08.2009. na rijeci Drini u blizini Goražda. Ovaj kamp će okupiti 30 mladih ljudi iz svih krajeva BiH koji će provesti 7 dana družeći se kroz edukativne i kreativne radionice, a Kamp će poslužiti i kao svojevrsni putokaz srednjoškolaca budućem radu ASuBiH-a. Na web stranici Asocijacije www.asubih.ba dostupna je aplikacija za II ASuBiH Kamp. Sve dodatne informacije aktivnostima Asocijacije srednjoškolaca u Bosni i Hercegovini mogu se dobiti na web stranici www.asubih.ba ili putem E-maila asubih@asubih.ba.



Udruženje IPAK – Mladost gradi budućnost

Adresa: Patriotske lige 10, 75000 Tuzla

mobitel:+387 (0) 35 257 474,

fax +387 (0) 035 257 097

e-mail: ipak_tuzla@bih.net.ba,

Web: www.ipak-mgb.ba

Trening

Odnosi s javnošću za Regionalnu omladinsku mrežu za lokalni razvoj

Devetog i desetog jula IOC IPAK-SHL ugostio je članice Regionalne omladinske mreže za lokalni razvoj (ROM za LR) i organizirao trening na temu „Odnosi s javnošću“



Treningu su prisustvovali predstavnici članica Regionalne mreže za lokalni razvoj – ROM za LR, iz 7 organizacija iz Bratunca, Bijeljine, Sapne, Kalesije, Vlasenice i Tuzle.

Predstavnici su tokom dvodnevno treninga imali priliku da razmotre različite vidove odnosa sa javnošću i njihovu bitnost u radu sa mladima u zajednici. Poseban doprinos treningu je upravo bila raznolikost gradova iz kojih predstavnici dolaze što je dalo mogućnost da se članice mreže bolje upoznaju sa konkretnim razlikama i sličnostima rada sa mladima u ovim opštinama. Trenerice smatraju da je cilj treninga ispunjen jer su učesnici razvili konkretan slogan, izgled ariše, web stranice, te plan i program uličnih akcija za četiri grada iz kojih dolaze članice ROM za LR.

Tokom treninga učesnici su imali mogućnost da kroz interaktivan rad razmjene i diskutuju svoja dosadašnja iskustva i metode koje njihova organizacija koristi u odnosima sa javnošću

Učesnici smatraju da su njihova očekivanja od treninga ispunjena, te da je trening odgovorio na trenutne potrebe mreže, ali istovremeno i doveo učesnike u veću i bolju međusobnu interakciju, što je dalo veliki doprinos u samom razvijanju afiše, slogana i drugih konkretnih rezultata koje su učesnici razvijali tokom treninga. Tokom rada na PR materijalu učesnici su razvili i viziju mreže.

Prosječna ocjena treninga prema evaluaciji koji su ispunili učesnici je 4.62, te sa najvećom ocjenom su ocijenili organizaciju radnog prostora, hrane, rad trenera i primjenjivost prezentiranih metoda u PR-u. Najmanju ocjenu, sa prosjekom 3.83, učesnici su dali svom ličnom učešću.

Trenerice smatraju da je grupa veoma dobro surađivala, te da je svaki član davao veliki doprinos tokom rada, ali da je veliki nedostatak u radu tokom drugog dana bio broj učesnika koji se upolovio. Naime, izvjestan broj učesnika je morao da napusti trening zbog ličnih obaveza, zbog čega su treneri i grupa bili fleksibilniji što je rezultiralo ranijim završetkom treninga.

Također, trenerice smatraju da je trening pored razvoja konkretnih PR materijala dao i veliki doprinos na međusobnom upoznavanju članice mreže, njihovi predstavnici i mogućnosti saradnje.

Shodno tome na poseban način trening je, pored do sada održanih sastanaka, početak saradnje organizacija članica mreže koje su tokom treninga pokazale veoma slično viđenja rada sa mladima, i slično razumijevanje mreže i umrežavanja.

Susret mladih u Križevićima

Krajem jula mjeseca IOC IPAK-SHL, Križevići posjetila je grupa od 23 mladih uzrasta od 14-18 godina iz Njemačke (Dresden), s ciljem da se mladi iz Njemačke bolje upoznaju sa mladima iz BiH, da razmjene iskustva (kako mladi čovjek živi u Njemačkoj a kako u BiH). Tema radionice bila je „Kakva je budućnost za omladinu?“.



Učesnici su imali i jednu terensku igru, koju je osmislio IPAK tim, gdje su mladi ljudi iz Njemačke imali priliku da upoznaju tradicionalno bosansko selo. Učesnici su bili jako oduševljeni igrom a na kraju druženja mladi iz BiH, njih oko 30, i mladi iz Njemačke uživali su u zajedničkom roštilju.

Omladinski Centar Bijeljina

Adresa: Poštanski fah 33, 76 300 Bijeljina

mobitel: 055 211 813,

e-mail: ocb@spinter.net,

Omladinski centar Bijeljina i ove godine bio suorganizator VIII Internacionalnog omladinskog mirovno-edukativnog kampa na Bjelašnici koji organizuje Fondacija Krila Nade / Wings of Hope, održanog od 14. do 19.7.2009.

Opšti cilj, odnosno svrha ovog kampa jeste okupiti mlade ljude iz svih krajeva Bosne i Hercegovine i zemalja nastalih raspadom bivše Jugoslavije kao i Zapadne Evrope na jednom mjestu i omogućiti im da usprkos predrasudama, sveprisutnom nepovjerenju i strahu od „drugih“ zajedno žive, rade, uče, bave se sportom i kreiraju svoje slobodno vrijeme.

U proteklih sedam godina omladinski mirovni ljetni kamp je okupio oko 1200 mladih ljudi starosne dobi između 18 i 27 godina, iz najrazličitijih krajeva Bosne i Hercegovine, svih etničkih i religijskih grupa, mlade ljude iz susjednih i drugih zemalja nastalih raspadom bivše Jugoslavije, te mlade iz Zapadne Evrope, SR Njemačke, Holandije, Engleske, Kanade i USA, a ove godine učesnici su bili i iz Palestine i Izraela.

Neke od aktivnosti kampa bile su:

- Interaktivne radionice (Nenasilna komunikacija i nenasilno rješavanje / prevencija konflikta; Zaštita i očuvanje životne okoline / ekološka radionica; Zaštita i unaprjeđenje seksualnog i reproduktivnog zdravlja; Prevencija ovisnosti; Drama i teatar; Muzička radionica; Feng Shui; Novinarska radionica; Kreativna radionica; Likovna radionica itd.
- Društveno-korisne aktivnosti za dobrobit lokalnih zajednica i unaprjeđenje svijesti o potrebama zajednice (na prostoru Bjelašnice, Trnova, Sarajeva, Pala, Jahorine)
- Iskustvena pedagogija (posjeta kanjonu rijeke Rakitnice, planinarenje)
- Posjeta Sarajevu, glavnom gradu BiH
- Sportske aktivnosti
- Praktične aktivnosti (izrada suvenira, priprema izložbe u skladu sa temom i ciljevima kampa).

Ove godine 15 članova Omladinskog centra Bijeljina boravilo je u omladinskom kampu na Bjelašnici.



Zdravo da ste, Omladinski Centar

Adresa: Cara Lazara 1, 78000 Banja Luka

mobitel: +387 51 /465-590

e-mail: kastel@blic.net

www: www.kastelbl.org



Predmet: Obavještenje za medije

"Zdravo da ste" Omladinski centar je jedan od centara udruženja građana "Zdravo da ste". Osnovan je 1996. godine sa ciljem pružanja podrške razvoju i socijalnoj integraciji djece i mladih, posebno onih sa problemima u razvoju, mladih iz osjetljivih grupa, podrške razvoju kreativnosti i pripremanja mladih za aktivno učešće u demokratskom društvu.

Kako bi djeci i mladima Banjaluke pružili mogućnost **besplatnog učešća** u raznolikim aktivnostima kreativnog razvoja tokom ljeta **već petu godinu organizujemo manifestaciju „MJESEC KREATIVNOG RAZVOJA” - august 2009.**

Ove aktivnosti su većinom redovne aktivnosti omladinskog centra koje u augustu zbog ljetnih vrućina već petu godinu izmještamo na tvrđavu Kastel.

R.B.	DATUM	AKTIVNOST	Vrijeme
1.	03.08.-15.08	SLIKARSTVO ZA DJECU	17.00-19.00
2.	03.08.-15.08.	SLIKARSTVO ZA MLADE	18.00-20.00
3.	11.08.-29.08.	HIP HOP PLES	18.00-20.00
4.	17.08.-29.08.	FRIZURE	19.00-20.00
5.	17.08.-29.08.	INDIJSKI PLES	18.00-19.00
6	10.08.-22.08.	MODERNI PLES	18.00-19.00
7.	17.08.-29.08.	BREAK DANCE	19.00-20.00
8.	10.08.-22.08.	RITMIKA	19.00-20.00
9.	10.08.-22.08.	RADIONICE RECIKLAZE	18.00-19.00
10.	17.08.-29.08.	IZRADA NAKITA	18.00-20.00
11.	03.08.-17.08.	FOTOGRAFIJA	18.00-20.00
12.	03.08.-15.08.	TEATAR	18.00-19.00
13.	17.08.- 29.08.	ŠKOLA GITARE	18.00-20.00
14.	03.08.-29.08.	IGRAONICA	17.00-20.00
15.	Četvrtkom	RADIONICE unapređenja seksualnog i reproduktivnog	19.00-20.00

		zdravlja mladih	
16.	03.08.-29.00	INFO PULT	17.00-20.00
17.	30.08.2009.	ZAVRŠNA MANIFESTACIJA	19.00-21.00

Manifestacija će odvijati na tvrđavi Kastel, svaki dan osim nedjeljom, od 03.08. do 29.08.2009. u periodu od 18:00 do 20:00 časova
30.08. sa početkom u 19.00 časova, na ljetnoj pozornici tvrđave Kastel održati će se završna prezentacija svih aktivnosti.

Mjesec kreativnog razvoja realizujemo uz podršku Administrativne službe grada Banje Luke, Kulturnog centra Banski Dvor, OSBL, Evropske komisije, UNFPA i lokalne zajednice

Za sve dodatne informacije

“Zdravo da ste” omladinski centar, Cara Lazara 1, 78 000 Banja Luka

051 46 55 90, oc@zdravodaste.org

Ili koordinator Jelena Radivojević Stupar 065 607 037

PRONI, Brčko

Adresa: Bosne Srebrene 16, 76100 Brčko

Tel/fax: 387 49 233 940, 387 49 217 695

E-mail: pronibrco@teol.net

Web: <http://www.pronibrcko.ba>



“Pozicija udruženja žena danas u Brčko distriktu“



Okrugli sto je organizovan u cilju podizanja svijesti ključnih ljudi i šire javnosti o poziciji udruženja žena u Brčko distriktu, danas. U organizaciji ovog okruglog stola pored PRONI-a su učestvovala članice udruženja žena „Venera“, „Bošnjakinja“, udruženja građana „Distrofičari“ i „Udruženje oboljelih od multiple skleroze“.

Okrugli sto je dio projekta „Jačanje kapaciteta rukovodstva udruženja žena u Brčko distriktu“ u kome je učestvovalo dvadeset članica navedenih udruženja tokom šest mjeseci trajanja projekta, a predstavlja i praktični rad učesnica projekta nakon edukacije na 14 različitih treninga. Projekat je podržan od strane Vlade Kanade (CIDA). Na ovom okruglom stolu je prezentovan rad učesnica projekta, a to su brošura projekta i vodič za udruženja.

Ovaj okrugli sto je bio idealna prilika da pozovu bitne ljude iz Vlade Brčko distrikta koji im mogu pomoći da bi se riješili mnogi problemi ili bar dobiju odgovori na neka od pitanja ili smjernice, što je bio jedan od očekivanih

rezultata. Tako da se u stvari samo potvrdila teška i nezavidna trenutna pozicija udruženja žena u Brčko distriktu.

Pitanja su se najviše odnosila na (ne) dobivanje besplatnog prostora za korištenje udruženja od Vlade Brčko distrikta, opreme za rad udruženja, teške procedure za pisanje projekata, nedovoljnog i teškog dolaska do informacija, te objašnjenja vezano za izmjene u projektu ili ne prolazak projekata. Članice su saznale da o dodjeli prostora odlučuje Komisija za dodjelu prostora bez naknade udruženjima građana i fondacijama, da se forme za pisanje projekata ne mogu pojednostaviti, da nema sredstava za kupovinu opreme za udruženja i da se razmišlja o organizovanju jednog sastanka za udruženja žena da bi se dodatno objasnile procedure pisanja projekata.

1. Žene moraju same da se potrude da bi se izborile za bolji status u Brčko distriktu.
2. Udruženja žena trebaju više uticati na malobrojne žene u skupštini i preko njih težiti ostvarivanju potreba, prava i ostvarivanja ciljeva udruženja.
3. Podstaknuti inicijativu za ponovno osnivanje Gender komisije koja bi zastupala potrebe i prava udruženja žena, te pomagala pri pisanju projekata i umrežavanju udruženja.
4. Ili podstaknuti inicijativu za osnivanje Vijeća udruženja žena (mrežu) koja bi se dalje brinula za interese udruženja i žena u Brčko distriktu, pa čak osnivanje fondacije za udruženja.



Druženje sa volonterima!!!!

U četvrtak, 30.07.2009. godine u prostorijama Omladinskog Centra u Brčkom održano je volontersko druženje sa volonterima ispred četiri organizacije iz sljedećih organizacija : «Zvrk» «Vermont», «Crveni Krst» i «PRONI Centar za Omladinski razvoj». Cilj volonterskog druženja je bio da mladi ljudi, volonteri, iz četiri organizacije razmijene svoja dosadašnja iskustva o volontiranju u ovim organizacijama, šta su do sada naučili i gdje vide sebe u budućnosti.

Ovaj način okupljanja i rada sa volonterima iz Brčko Distrikta po prvi put je bio organizovan od strane PRONI Centra i planira se sa ovakvim načinom okupljanja nastaviti i u budućnosti.

Na ovom sastanku su volonteri dogovorili i neke zajedničke akcije koje su planirali raditi u budućnosti a neke od ideja su :



Karaoke večer

Filmsko večer

Sportsko druženje

Svirka

Tematsko večer– maskenbal

Singl night

Kviz

Realizacija predloženih aktivnosti se planira uraditi u skorijoj budućnosti.



PRONI-jeve trenerske usluge

Ako niste znali PRONI Centar pruža trenerske usluge partnerima i saradnicima iz BiH. Zadnji trening je održan u Internacionalnom omladinskom centru IPAK - MGB u Križevićima 9. i 10. jula 2009. Trening su vodile trenerice PRONI Centra Bojana Sekulić i Katarina Vučković.

Učesnici treninga su bili članovi Upravnog odbora Regionalne omladinske mreže za lokalni razvoj iz 7 organizacija (Bratunac, Bijeljina, Sapna, Kalesija, Vlasenica i Tuzla). Trening je imao svrhu razviti PR materijal za mrežu, i upoznati članove o načinu korištenja raspoloživih resursa u radu sa medijima i javnošću.

Očekivanja učesnika treninga su ispunjena realizacijom plana i programa dvodnevno treninga, a sam trening je odgovorio na trenutne potrebe Regionalne omladinske mreže za lokalni razvoj, istakli su učesnici tokom evaluacije treninga.

Očekivanja učesnika treninga su ispunjena realizacijom plana i programa dvodnevno treninga, a sam trening je odgovorio na trenutne potrebe Regionalne omladinske mreže za lokalni razvoj, istakli su učesnici tokom evaluacije treninga.



Planovi za august

U augustu PRONI Centar ce svoje aktivnosti usmjeriti ka razvijanju novih ideja i pisanju projekata za iste. Tokom augusta mjeseca većina radnika PRONI Centra za omladinski razvoj će biti na godišnjem odmoru. Prvi put za jedanaest godina rada PRONI-a kancelarija neće biti zatvorena tokom augusta mjeseca, kada su inače zaposleni išli na kolektivni godišnji odmor. Što znači da ćemo biti dostupni svim članovima, volonterima, partnerima i saradnicima.

NOVE ČLANICE

Dragi prijatelji Omladinska Mreža BiH je dobila novu članicu a to je:

Organizacija:

Fondacija Tuzlanske zajednice

Matije Gupca 13, 75000 Tuzla

+387 35 362 830

+387 35 362 831

fondtz@fondacijatz.org

www.fondacijatz.org

Jasna Jašarević, izvršna direktorica, Emir Bašić, voditelj omladinskih projekata

Glavni programski ciljevi navedeni statutom:

Fondacija je osnovana u cilju provođenja i podrške aktivnostima koje će pomoći razvoju civilnog društva i lokalne zajednice kroz provođenje vlastitih i podržavanje drugih projekata predloženih od strane neformalnih i formalnih grupa građana, organizacija civilnog društva, javnih institucija, posebno škola, udruženja, klubova i društava koje će dati doprinos razvoju društva zasnovanom na participatorskoj demokratiji i kulturi sudjelovanja.

Program podržavanja građanskih inicijativa koje podstiču partnerstvo između tri sektora, privatnog, javnog i nevladinog, radi se s ciljem promoviranja dobrih međuljudskih odnosa, socijalne i ekonomske stabilnosti, zaštite ljudskih prava, očuvanju prirodnih, kulturnih i duhovnih vrijednosti BiH, a posebno prava djece i mladih.

INFORMACIJE

UDRUŽENJE UMJETNIKA «ART PULS»

DIREKCIJA FESTIVALA «MALI KOMPOZITOR»

Miše Stupara 18,

78 000 Banja Luka Tel/fax

051 312 706, 065 430 670

Udruženje umjetnika ART PULS, Direkcija trećeg festivala dječijeg muzičkog stvaralaštva "Mali kompozitor - Banja Luka 2009" raspisuje konkurs za prijem novih kompozicija:

USLOVI KONKURSA

- autor teksta i autor muzike mora biti dijete, starosne dobi od 9-15 godina
- kompozicija mora biti na jednom od zvaničnih jezika naroda BiH
- muzika i tekst moraju biti originalni i do sada javno neizvođeni i neobjavljivani
- učesnici konkursa mogu komponovati pojedinačno ili grupno na svoje tekstove ili tekstove svojih vršnjaka starosne dobi od 9-15 godina
- kompozicija može trajati najduže 3.00 minuta
- autori mogu sami izvoditi kompoziciju, ali selekciona komisija zadržava pravo da odabere drugog izvođača izabrane kompozicije ukoliko procijeni da autor kao izvođač ne zadovoljava utvrđene festivalske kriterijume
- o odabiru 13 najboljih kompozicija koje će učestvovati na takmičenju odlučuje selekциони žiri sastavljen od eminentnih muzičkih pedagoga
- nakon odabira kompozicija pristupiće se posebnoj provjeri vjerodostojnosti autorstva svih primljenih kompozicija
- autori odabranih kompozicija ustupaju organizatoru prava štampanja, objavljivanja i emitovanja odabranih kompozicija kao i pravo prenošenja istih na treća lica
- odabrane kompozicije će se izvesti na centralnoj manifestaciji koja će se održati 20. novembra 2009.godine u Banjaluci
- takmičenje će biti dopušteno samo djeci koja nisu izdala CD
- organizator će osigurati profesionalne aranžere za sve odabrane kompozicije te snimanje, produkciju i postprodukciju svih kompozicija

Sve radove slati u VIDU DEMO SNIMKA NA CD-u SA ILI BEZ INSTRUMENTALNE PRATNJE (ukoliko je moguće, uz pomoć stručnog lica napisati i poslati melodijski zapis kompozicije), uz obavezna dva primjerka teksta kompozicije, kontakt telefon i jednu fotografiju izvođača na sljedeću adresu: Udruženje umjetnika ART PULS, Miše Stupara 18, 78 000 Banja Luka, sa naznakom za festival "Mali kompozitor Banja Luka 2009". Demo snimke je potrebno dostaviti najkasnije 20. septembra 2009. godine.

Sve dodatne informacije možete dobiti u Direkciji festivala putem telefona 051/ 312 – 706 ili kontaktirati izvršnog direktora festivala – Sanela Babić 065 430 670.

Dostupniji studij na daljinu na Ekonomskom fakultetu u Sarajevu

Distance learning, kao novi vid učenja, pruža studentima koji nemaju vremena da sjede u učionici i na taj način prate svakodnevna predavanja, da savladaju gradivo uz mogućnost učenja u vremenu kada njima najviše odgovara. Ovaj oblik obrazovnog procesa se, u posljednjih dvadesetak godina zahvaljujući prije svega brzom razvoju informacionih tehnologija, računara i računarskih mreža, pridružio, ili je skoro u potpunosti zamijenio ranije poznate metode obrazovanja.

Sve veći broj studenata u svijetu značajan dio svojih studijskih obaveza obavlja kod kuće, koristeći sadržaje s interneta koji su upravo za njih pripremljeni i oblikovani tako da ih vode kroz proces učenja i savladavanja nastavnog gradiva. Na Ekonomskom fakultetu u Sarajevu je prije 6 godina počeo ovakav vid učenja, gdje su studenti preko web sistema dobijali dodatne materijale od strane profesora. Pored toga, ovaj sistem služio je profesorima i drugim studentima za dobijanje dodatnih objašnjenja, razmjenu informacija i rad na zajedničkim zadacima.

U školskoj 2006/2007. godini pokrenut je DL sistem rada koji u potpunosti korespondira sa tradicionalnom (in-class) nastavom. Studij tradicionalne nastave i DL nastave za studente dodiplomskog studija smatraju se jednako kvalitetnim i imaju istu vrijednost, kako u daljnjem školovanju, tako i na tržištu rada.

Ekonomski fakultet upisuje četvrtu generaciju redovnih studenata na Distance learning studij prema konceptu studiranja na daljinu. Cijena školarine za godina dana studija na daljinu iznosi 1.000 KM i omogućeno je plaćanje u dvije rate.

Ekonomski fakultet u Sarajevu
Trg Oslobođenja – Alija Izetbegović 1
Tel/Fax: +387 33 447 559
E-mail: dl@efsa.unsa.ba
www.efsa.unsa.ba/dl

BiTriMulti Grčka

Nacionalne agencije organizuju Trening o omladinskim razmjenama

Vrijeme aktivnosti: 04-08.11.2009

Ciljana grupa: Omladinski lideri, omladinski radnici

Ovaj trening je za učesnike iz Češke republike, Estonije, Francuske, Grčke, Mađarske, Irske, Holandije, Poljske, Španije, BiH, Hrvatske, Srbije. Grupa će maksimalno brojati 30 učesnika.

BiTriMulti treninzi pružaju podršku volonterima i omladinskim radnicima koji rade direktno sa mladim ljudima u organizovanju njihove prve međunarodne razmjene u sklopu programa "Mladi u Akciji"

Ciljevi:

- pružiti prvo međunarodno iskustvo
- trening o projektnom menadžmentu
- pružiti informacije o programu "Mladi u Akciji" i posebno o omladinskim razmjenama
- razvoj potrebnih znanja i vještina za organizovanje omladinske razmjene
- upoznavanja različitih mogućih partnera i kontakata iz drugih zemalja

BTM Trening se svodi na učenje iz iskustva, baziran je na simuliranoj vježbi koja je puna radionica, info sesija i aktivnosti koje unapređuju dinamiku grupe, i završava se na evaluaciji.

Radni jezik treninga je Engleski.
Rok za podnošenje prijava je 24.08.2009

Više informacija možete naći na <http://www.salto-youth.net/find-a-training/1468.html>

DONATORI / STIPENDIJE / ŠKOLARINE / NAGRADE / POSLOVI / PRILOZI

Evropska regionalna magistarska diploma iz demokratije i ljudskih prava u Jugoistočnoj Evropi. Sarajevo – Bolonja 2009-2010

Evropska regionalna magistarska diploma iz demokratije i ljudskih prava u Jugoistočnoj Evropi je intenzivan jednogodišnji magisterij ustanovljen kroz zajedničke napore univerziteta učesnika i koordiniran od strane univerziteta Sarajevo i Bolonja. Trenutno se implementira 8 godina ovog programa. Program se sufinansira od strane Evropske Komisije i Italijanskog ministarstva za vanjske poslove.

Magistarski program se sastoji od tri termina

- I) Novembar 2009 – Juni 2010: period predavanja na univerzitetu Sarajevo
- II) June – Juli 2010: Stažni rad u čitavoj Jugoistočnoj Evropi
- III) Septembar – Oktobar 2010: Pisanje magistarskog rada na univerzitetu Bolonja

Predavanja uključuju dolazak poznatih predavača iz više od 25 Evropskih zemalja. Stažni rad će se održavati u nekoliko nevladinih organizacija i istraživačkih centara koji se bave ljudskim pravima i demokratijom u Jugoistočnoj Evropi. Treći termin je na univerzitetu Bolonja rezidentnom centru u Italiji.

Stipendije i cijena predavanja

Cijena predavanja se određuje za svaku akademsku godinu od strane izvršnog odbora programa. U akademskoj 2009/10 to iznosi 1000€. Popust je dostupan za državljane zemalja Jugoistočne Evrope uključenih u program (Albanija, BiH, Hrvatska, Makedonija, Srbija, Crna Gora, i Kosovo). Studenti iz EU nemaju popusta. Studenti iz zemalja Jugoistočne Evrope (Albanija, BiH, Hrvatska, Makedonija, Srbija, Crna Gora, i Kosovo) kao i studenti iz EU mogu dobiti male grantove za održavanje u iznosu od 400€ na mjesec za prvi i drugi termin, dok je treći termin pokriven od strane programa.

Za studente koji nisu iz EU i nisu iz zemalja Jugoistočne Evrope program nažalost ne nudi nikakvu finansijsku pomoć.

Rok za podnošenje prijava je 7 Septembar 2009.

Za više informacije posjetite web stranicu:

<http://www.cps.edu.ba/ENGLESKI/ermaprogram.html>

Poziv za projekte, Američki institut za mir

Godišnji grantovi 2009

Program grantova povećava širinu i dubinu rada instituta podržavajući projekte za izgradnju mira od strane neprofitnih organizacija uključujući edukacione institucije, istraživačke institucije i civilne društvene organizacije.

U periodu od dvadeset godina davanja grantova, godišnji program grantova i prioritetni grantovi su zaprimili skoro 10,000 aplikacija i dodijelili skoro 2,000 grantova. Institut je financirao grantove u 46 Američkih država uključujući distrikt Kolumbije kao i u 81 stranoj zemlji.

Rok za podnošenje prijave za godišnje grantove je 1 Oktobar 2009.

Informacije o grantovima:

- Vodič za online aplikacije
- Proces provjere
- Podobni korisnici grantova
- Često pitana pitanja

Godišnji Grantovi

- Podržavaju inovativne projekte za izgradnju mira koji uključuju istraživanje, identifikaciju, obećavajući modele i efektivnu praksu, razvoj i vježbu, resurse i alate, razvoj i ispostavu edukacije, programi treninga i dijaloga, i produkcija filmova, radio programa, i drugih medija.
- Financira projekte fokusirane na prevenciji, upravljanju i nasilnih konflikata i promociju post konfliktne izgradnje mira izvan granica SAD. Nagrađuje i podržava aktivnosti koje apliciraju kroz širok spektar važnijih disciplina, vještina i pristupa. Institut pozdravlja prijedloge koji su interdisciplinarni i multidisciplinarni.

Interesne sfere instituta, nisu obvezujuće:

- Analiza konflikta i prevencija
- Posredništvo i rješavanje konflikta
- Post konfliktni mir aktivnosti koje doprinose stabilnosti
- Religija i izgradnja mira
- Žene i djevojke u konfliktu i izgradnja mira
- Vladavina prava i tranzicionalna pravda
- Ekonomija i konflikt
- Društveni, psihički i fizički uticaji rata i konflikta
- Mediji i konflikt

Činjenice godišnjih grantova:

- U martu 2009, odbor direktora Instituta odobrio je 24 godišnja granta od poziva na grantove u oktobru 2008
- Institut u prosijeku primi od 200 do 300 projektnih prijedloga i odobri finansiranje za 15% tih prijedloga
- Grantovi iznose od 50,000\$ do 120,000\$
- Rok za podnošenje prijedloga je 1 Oktobar 2009

Podobni korisnici grantova

Institut pruža podršku neprofitnim organizacijama i pojedincima iz SAD i drugih država uključujući: fakulteti,

lokalne institucije obrazovanja, srednje škole, javne i privatne, institucijama za trening i istraživanje i bibliotekama.

Pojedinci iz Amerike i drugih država također mogu aplicirati. Pojedinci čiji se projekti financiraju će morati navesti neprofitnu organizaciju koja će primati i upravljati njihovim sredstvima. Ako su aplikanti zaposleni u nekim od gore navedenih institucija kao što su koledži ili univerziteti, institut zahtijeva da se isplate vrše na instituciju a ne na pojedinca.

Podrška za magistarske radove ne postoji kao opcija financiranja. Pitanja vezana za podršku doktorskim disertacijama se trebaju postaviti Jennings Randolph Peace koja je zadužena za program doktorskih disertacija u institutu.

Po svakom pozivu za grantove može se priložiti samo jedan projektni prijedlog od istog projektnog direktora. Aplikacije koje ne se ne odobre se nemogu ponovo prijavljivati osim ako se skroz ne revidiraju.

Institut neće prihvatiti aplikacije koje sadržavaju kao učesnike, savjetnike ili projektno osoblje članove odbora direktora instituta. Također se neće prihvatiti aplikacije koje navode institut kao partnera u projektu.

Pojedinci koji trenutno rade pri institutu nemogu aplicirati za projekte. Da bi ste utvrdili da li ste podobni za podnošenje prijedloga molimo vas kontaktirajte programsko osoblje.

Aplikacije se moraju podnositi na engleskom jeziku.

<http://www.usip.org/grants-fellowships/annual-grant-competition>

Dragi prijatelji,

Ukoliko ste zainteresovani da se u mjesečnom informativnom biltenu Omladinskog Resursnog Centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30.-ti u mjesecu.

WEB Stranica Mreže:
sCh design
Webmaster:
Emir Delalić-Zeko - Tuzla
emir.delalic@gmail.com
emirdelalic@yahoo.com

web: www.omladina-bih.net
mejling lista Mreže:
mailing@omladina-bih.net

Adrese za slanje vaših informacija za mjesečni bilten:

orcuzla@bih.net.ba
fax: 035 258 077

hCa
Hadži Bakirbega Tuzlića Tuzla
75000 Tuzla
tel / fax: 035 258 077
e-mail: orcuzla@bih.net.ba
hcatuzla@bih.net.ba

hCa Banja Luka
Krfska 84, 78000 Banja Luka
tel: 051 432 753,
fax: 051 432 752
e-mail: hcalido@inecco.net
hcabl1@blic.net

Mjesečni bilten uređuje Omladinski resursni centar - ORC Tuzla